

## Caka - Deftere Ceniinde - Deliverance Scriptures

Maatiyu 6:13 Taa' alu min njaha to min ngadata hakke, ammaa hisnumin daga Kalludo.' (Luka 11:4)

Maatiyu 8:16 Nde futuro wadi, yimbe ngaddani Yeesu goodube ginni dudbe. O metanidi wolde go'o di mburtii. O yamditini fuu be njamdaa.

Maatiyu 10:1 Sey Yeesu noddi tokkubemo sappo e dido, o hokkibe bawde wurtinki ginni e yamditinki yimbe daga koo iri dume nyawu e ciya njamu. (Markus 3:14,15)

Maatiyu 10:8 Njamditinee nyawbe, umminee maybe daga mayde, njamditinee goodube nyawu nyaamoojum laral, mburtinanee yimbe ginni. Mi hokkii'on bawde yamditinki yimbe caahu, ngam non njamditinee yimbe caahu.

Maatiyu 12:26-29 To Ceydan e wurtina ginni Ceydan nder laamu Ceydan, Ceydan sendake e wanywanytira won don. To laamu maako sendake, noye laamu dum darortoo? 27 To e mi wurtinira ginni nder bawde Ba'aljabul, e bawde moye tokkube'on mburtinirtadi? Ngam non tokkube'on kollay on ngalaa goonga. 28 Ammaa, to e mi wurtina ginni nder bawde Ruuhu Yehowah, too, hollii Laamu Yehowah waranii'on. 29 "No wadata dum waawa nattuki wuro neddo cembiddo dum teetanamo ko o woodi, naa' sey to dum artii habbukimo? Nden dum waawa hoccuki ko o woodi nder wuro ngon. (Markus 3:23-27)

Maatiyu 12:43-45 "To ginnol wurtake nder bandu neddo, ngol yahay to bigeeje jorde e ngol dabbita to ngol siwtotoo. Ammaa to ngol hebaayi, 44 sey ngol wi'a, 'Mi so"oto wuro ngo mburtoyiimi.' To ngol wartii, ngol tawii wuro ngor walaa godsum nder, ngo wuuwaama ngo mo"inaama. 45 Sey ngol yaha ngol waddoya ginni joweedidi burdingol halluki, di natta di njoodoo don. Nden re'irde neddo on buray fuddoode maako halluki. Non dum wartanta yimbe jaamanu du'um kalludum."

Maatiyu 15:22,26,28 Sey raa goddo Kan'aaniyankeejo debbo neddo leydi ndin wari noddi sembee, wi'i, "Moodibbo, 'Bii Dawda, yurminanam! Wongol ginnol e torra biddo am surbaajo." Yeesu nootii, wi'i, "Dum haanaayi dum hocca nyamndu bikkoy dum hubanoondu kutihoy." 28 Sey Yeesu nootii, wi'imo, "Hoolaare maada e duudi! Dum wadante no ngiddaa." Don e don biddo maako yamditii.

Maatiyu 16:19 Mi hokkete mabbitirkoy Laamu Yehowah, fuu ko kadudaa e duuniyaaru, Yehowah Mo Dow jabi. Donmaa fuu ko aludaa dum wada e duuniyaaru, Yehowah Mo Dow jabii." (Maatiyu 18:18)

Maatiyu 17:19-21 Sey tokkubemo ngari to maako kambe tan, be yamimo be mbi'i, "Ngam dum minon min mbaawaayi wurtinki ginnol ngol?" 20 Yeesu

nootii wi'ibe, "Ngam hoolaare moodon famdii. E mi wi'a'on goonga, daa on ngoodi hoolaaki famdirki bo gabbel mastat, on mbaaway mbi'on hocceere nde'e, 'Itta daga do'o, yahu daa'e,' sey nde wada ko mbiidon. Walaa boo ko salorta'on. 21 [Ammaa iri ngo'ol ginnol ngol wurtataako sey e do'aare e suumaaki.]"

Markus 1:23-26 Don e don goodudo ginnol nder suudu do'aare ndun wulli sembee, 24 wi'i, "Ko wannumaa e amin, Yeesu Najarankeeo? A waroyi ngam kalkaamin? E mi andi an a moye. An woni Ceniido Yehowah." 25 Sey Yeesu habaningol, wi'i, "De"utu! Wurta nder maako." 26 Sey ginnol ngol dimbimo dimbol kallungol, ngol wulli sembee, ngol wurtii nder maako.

Markus 1:32-34 Futuro, gada naange hiirii, yimbe ngaddani Yeesu fuu nyawbe e goodube ginni. 33 Sey yimbe gariiri ndin dudbe kawriti e dammugal wuro ngon. 34 Yeesu yamditini dudbe goodube nyawuuji feere-feere. O wurtinani yimbe dudbe ginni, o hadidi metuki ngam e di andimo.

Markus 1:39 Nde Yeesu e Yaakubu e Yahaya be mburtii daga suudu do'aare ndun, be natti wuro Biiturus e Andiraawus.

Markus 5:8 O wi'u non ngam Yeesu wi'i, "An ginnol, wurta nder neddo o'o!"

Markus 6:7,13 O noddi tokkubemo sappo e dido, o lilibe dido-dido, o hokkibe laamu dow ginni. 13 Be mburtinani yimbe dudbe ginni, dudbe be njamdaa boo be moytanibe nebbam be njamditinibe.

Markus 9:23-25 Yeesu wi'imo, "Ngam dume mbi'ataayam, 'taa waaway?' Koo dume dum gadotoodum to neddo hoolakeyam." 24 Don e don sey nyaako suka on yefti hononde wi'i, "Mi hoolakema. Wallam mi jaaloo ciya hoolaare am!" 25 Nde Yeesu yi'i yimbe e ngaroya e doggudu ngam ngi'a ko wadata, sey o habani ginnol ngol, o wi'ingol, "An, ginnol kadungol suka o'o metuki e nanuki, e mi wi'imaa, wurta daga nder maako! Taa' fuddutu nattukimo!"

Markus 9:29 Yeesu nootii, wi'i, "Iri ngo'ol ginnol ngol wurtataako sey e do'aare."

Markus 9:38,39 Sey Yahaya wi'imo, "Moodibbo, min ngi'i goddo e wurtina ginni nder inde maada min kadimo, ngam kanko naa' o tokkudo'en." 39 Ammaa Yeesu wi'i, "To' on kadumo, ngam walaa gadoowo goddum kaydiniidum nder inde am nden don e don wi'a haala kalluka dow am.

Markus 16:17 Fuu koolibeyam be ngaday kuude kollayde e be ngoodi bawde Yehowah. Nder inde am be mburtinay ginni, be ngaday do'aare nder demde de be andaa.

Luka 4:18 "Ruuuhu Joomiraawo e dow am, ngam o subiiyam mi hokka be ngalanaa Habaru Beldum. O liliiyam mi wadda habaru yoofuki maccube, mi wumtina wumbe, mi wada dum ala torreteebe ndilla, (Icaaya 61:1)

Luka 4:34-36 "Wayyoo! Ko wannumaa e amin, Yeesu Najarankeeo? A waroyi ngam kalkaamin? E mi andi an a moye. An woni Ceniido Yehowah!" 35 Yeesu habaningol wi'i, "De"utu! Wurta nder maako!" Sey ginnol ngol do'i neddo on yeeso mabbe, ngol wurtii ngol nawnaayimo. 36 Be fuu be kaydini,

be ngadi ka metuki hakkunde mabbe, e be mbi'a, "Iri deye boliide ngoni do'o? Ngam e mo metana ginni nder laamu e bawde, e di mburtoo."

Luka 4:41 Ginni maa mburtii nder yimbe dudbe, e di ngulla, e di mbi'a, "An, a 'Biddo Yehowah!" Ammaa o habanidi, o hadidi metuki, ngam e di andi kanko woni Almasiihu.

Luka 7:21 E carel ngel Yeesu yamditinii yimbe dudbe ngoodube nyawuuji, o wurtinii ginni, o wumtinii wumbe dudbe.

Luka 8:29 O wi'u non ngam Yeesu habanii ginnol ngol ngol wurtoo nder maako. Nden maa, ngol neebi e ngol nangamo. E mo habbiree boggi njamndi juude e koyde, ammaa e mo taya boggi din, ngol wadamo o natta ladde.

Luka 9:40 Mi torake tokkubema mburtinangol, ammaa be mbaawaayi."

Luka 10:17-20 Sey tokkubemo 72 ngarti e nana beldum, be mbi'i, "Moodibbo, haa ginni maa ngadii ko min mbi'idi fuu nder inde maada!" 18 O wi'ibe, "Mi yi"ii Ceydan yanoyii bo mayere daga dow. 19 Raa, mi hokkii'on laamu yaabuki dow boole e jahe e hebuki jaalorgal dow bawde Ganyo, walaa ko hebata'on. 20 Ammaa to' on nanu beldum ngam ginni e ngada ko mbiidon, ammaa nanee beldum ngam inde moodon mbindaama e wuro Yehowah."

Luka 11:14 Wonde nyalnde Yeesu e wurtinana goddo ginnol pahol. Gada ginnol ngol wurtake, neddo on fuddi metuki, sey yimbe dudbe kawrutube kaydini.

Luka 11:20-22 Ammaa, to e mi wurtina ginni nder bawde Yehowah, nden Laamu Yehowah waranii'on. 21 "To neddo cembiddo jogake kaafahi reenii wuro muudum, walaa ko hebata ko o woodi fuu. 22 Ammaa, to goddo burdomo sembe waraniimo teetay kaafahi ki o mantortoo kin, burdo mo sembe on sendanay wobbe jawdi ndin.

Luka 13:32 O wi'ibe, "Njahee mbi'on dilaaru ndun don, 'Radsum, hande e jaango mi wurtinay ginni mi yamditinay be njamdaa. E nyalnde tatawre mi yottinay kuugal am.'

Yahaya 14:12 E mi wi'a'on goonga, koo moye kooliidoyam huway kuude de kuwumi, haa maa o huwa kuude burde de kuwumi, ngam mi yahay to Nyaako Mo Dow.

Yahaya 17:15 Naa' e mi toromaa ngam ittaabe nder duuniyaaru, ammaa e mi toromaa ngam curaabe daga on don Kalludo.

Kuude Lilaabe 10:38 On andi no Yehowah subiri Yeesu Najarankeejo, e no o hokkirimo bawde Ruuhu maako. On andi no Yeesu yiilorii nder gariije fuu e mo huwa kuude bodde, e mo yamditina be Ceydan torrata fuu ngam Yehowah e wondi e maako.

Kuude Lilaabe 16:17,18 Sey o wadi ka tokkukimin, minon e Bulus, e mo wulla, e mo wi'a, "Yimbe be'e be kuwanoobe Yehowah Mawdo! E be andina'on laawol kisndam." 18 O wadi balde dudde e mo wada non haa Bulus berni, yeeyimo, wi'i ginnol ngol, "Nder inde Yeesu Almasiihu, e mi wi'imaa wurta nder maako!" Don e don ginnol ngol wurtiimo.

Kuude Lilaabe 19:11,12 Yehowah wadi kuude kaydiniide mawde daga juude Bulus de dum meedaayi yi'uki. 12 Haa maa lefoy e kolte meemude bandu maako fuu e njaaranee nyawbe, e be njamdit, ginni maa mburtoo nder mabbe.

Kuude Lilaabe 26:15-18 \*\* 18 A wumtinaybe, be mburtoyoo nder nyiwre, be ngarta nder jayngol, be mburtoo nder laamu Ceydan, be co"oo to Yehowah, ngam be keba yaafaneeki hakke, be natta nder yimbe gartube ceniibe ngam be koolakeyam.'

Roomanko'en 16:20 Yehowah joomu jam naa' ko neebi o lallinay bawde Ceydan o yowa'on dow maako. Joomiraawo meeden Yeesu Almasiihu barkidina'on.

2 Korintiyanko'en 2:11 Mi wadu non ngam to' Ceydan yoyra'en, ngam en andi nyumo maako boddum.

Galaatiyanko'en 1:4 Yeesu hokkii hoore muudum ngam hakke meeden ngam o hisna'en daga jaamanu kalludum du'um. Non dum cubol Yehowah Nyaako meeden Mo Dow.

Aafisanko'en 4:27 Nden taa' alu Ceydan yaarumaa to ngadataa ko woodaa.

Aafisanko'en 6:11 Bornee fuu kolte konu de Yehowah hokki'on ngam mbaawon daraaki, nganyon yoyre Ceydan.

2 Tesaloonikanko'en 3:2,3 Kadin ngadaneemin do'aare ngam Joomiraawo hisnamin daga yimbe kallube, ngam naa' koo moye hoolii Yeesu. 3 Ammaa Joomiraawo o gadoowo ko o wi'i, o sembindinay'on, o reenay'on daga on don Kalludo.

2 Timooti 2:26 be coptoo tarkowol Ceydan nangungolbe wartiribe gadoobe ko o yidi.

2 Timooti 4:18 Joomiraawo wurtinayyam daga koo iri dume fii kalludum, o hisnayyam ngam o nattinayyam wuro maako ton dow. Mangu tabbita to maako haa abadaa abadin. Aamin.

1 Biiturus 5:8 Curee ko'e moodon, njoodoodon on ciryii. Ganyo moodon Ceydan e mo woosoo bo sembindu bernundu e mo dabbita mo o halkata.

1 Yahaya 4:4 Onon bibbe am, onon dum be Yehowah, nden on kebii jaalorgal dow annabo'en fewre ben don. Ngam bawde Ruuhu Yehowah gondum nder moodon burii bawde Ceydan laamotoodo yimbe duuniyaaru sembe.

Lamba 10:35 Let Yehowah arise and enemies scatter.

Tooktaaki Tawreeta 23:5 Yehowah turn curse into blessing (Neemiya 13:2)

Jabuura 44:4 Yehowah command deliverance for Yaakubu.